



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

3. Nec denique alia ex Actis & Auctoritate Ecclesiæ Gallicanæ adducta.

urn:nbn:de:hbz:466:1-38277

certum, Clementem propterea apud multos malè audivisse, & Bonifacij memoriam, quam Philippus persequebatur, cœlesti prodigo assertam esse. Sane quod Pontificis potestatem in Reges spectat, Bonifacij vestigijs Clementem inhaesisse patet tum ex Hungariae Regno, quod contra Ottonis Bavariae Ducis studia Carolo Martello afferuit, tum etiam ex celebri (a) Constitutione, quam in Concilio Viennensi edidit, & suprà produximus; ut si pugnare velimus Clementis exemplo, plus id Maimburgu, quām nobis noceat.

III. Addit alia Maimburgus Ecclesiae Gallicanae testimonia, ad quæ cūm superiori §. responderimus, nolumus hīc repetere. Illud tantum observa, Ecclesiae Gallicanæ auctoritatem, & à Maimburgu, & à me proferri, sed longo discrimine; Maimburgus enim non haberantiquiora Gallicani Cleri testimonia & Decreta, quām à decimo quarto seculo, & tunc quidem temporis, cūm disfidia inter Pontifices, Regesque ardebant, & Clerus, ut fieri solet, spe, merūque ac etiam adulazione in Regias partes trahebatur, multique pierate ac doctrinā præcipui Pontifici adhaerebant: erantque Conventus illi Gallicani particulares tantum; nec Maimburgus ex Sanctis Ecclesiae Gallicanæ Patribus aut Doctoribus proferre aliquem potuit, qui sententiam suam cum decoro committeret: nec enim moror sententias aliquas generales, & quæ nullam penitus rei, de qua loquimur, mentionem faciunt; multò minus Concilia aliqua Generalia, quae sententiæ ejus favent, produci possunt: planè nullum Maimburgus produxit, quamvis suæ causæ adornandæ omnia concusserit. At verò Ecclesia Gallicana, quam nostræ sententia aperte consentientem vidimus, non nova, recensque, sed antiqua, & septimi jam seculi est, abundatque Patribus, Sanctisque Ecclesiae Doctoribus, quinque Concilijs Generalibus prævalida, nec in genere tantum, sed de casu, quem præ manibus habemus, in particulari & individuo loquitur, & tunc temporis sententiam suam de Pontificio supra Reges potestate dixit, quando Summa Pontificum, Regumque cordia, omnique procul affectuum, iræque tempestate, ac placidis annis veritas promebatur. Jam lectoris arbitrium esto, utri sententiæ auctoritas Ecclesiae Gallicanæ magis suffragetur. Quod

Kkkk 3

si

(a) V. Raynald. ad ann. 1307.

si palma antiquitati danda, nostra multò antiquior, utquæ novem
jam secula in Ecclesia duravit, tot exemplis, tot Patrum oraculis,
tot Concilijs suffulta, florēnsque. Valeant ergo, vincāntque illæ
à Sanctis Patribus toties reperitæ & inculcatæ voces, videl: (a)
*Mos iste semper in Ecclesia viguit, ut quod quisque religiosior foret, eo promptius
novellis opinionibus contraret.* Christianus ergo Catholicus providebit, ut anti-
quitati inh. erat, que prorsus jam non potest ab ulla novitatis fraude seduci. Sed,
inquit Maimburgus, (b) potestas in Reges Pontificianumquam magis, for-
iisque, ut in ultimo Conventu Parisiensi, repressa, constrictaque est. Rex verò
ut pote Conciliorum, Canonumque defensor doctrinam ejus Conventus quatuor
propositionibus comprehensam toto Regno acceptari, colique iussit, eo sc̄emodo, quo
apud Superiores Religionum fieri solet, ut certa aliqua doctrina, Thome videlicet
aut Scotti teneri jubeatur, concordia causa. Resp. At ego in nullo Conventu
magis, graviisque, ut in illo Parisiensi, peccatum esse crediderim,
nec simplici, sed cumulato errore, quod pace & reverentia Sacri
illius Senatus dixerim, nunquam dicturus, nisi cogeret majestas
offensi. Primi enim, quis nescit, iram, metumque huic Choro
(c) præsedisse? quos verò fructus exspectes radice infecta? Re-
petantur memoriam Antiochense, Ariminense, & Ephesinum II.
Concordia, videbis semper periclitatam esse veritatem, animis ira,
metumque agitatis. Elisaeus quamvis adversus Joram idolis ad-
dictum sacro, justoque Zelo inardesceret, non prius tamen Sancto
Spiritu afflari potuit, quam turbatum, flagrantemque animum
poneret mulcente tibicinis manu: (d) *Adducite, inquit, mihi Psal-
men, cumque caneret Psaltes, facta est super eum manus Domini.* Si ergo ce-
lesti etiam flammæ tantum fumi est, ut radium veritatis obum-
bret, quantum erit terrestri illi, densaque, & quam odium ac
vindicta incendit? Quæ ergo auctoritas ei Conventui esse potuit,
in quo ira præsedit, terror suffragium inijt, metus decidit, & adu-
latio subscripsit? quæ si quis neget, Apamensis tragœdia tantum
recordetur, & fatebitur, nihil à me supra verum, sed multum infra
memorari. Secundo. Negari haud potest, maiores causas ad Roma-
ni Pontificis cognitionem pertinere, idque inter hujus Privilegia
Maimburgus (e) reposuit: at verò caufæ, quas Conventus Pa-
risiensis

(a) Vincent. Lirin. commonit. l. 1. e. 3. & 9. (b) Maimb. Tr. hist. de l'Egl. de
Rome ch. 30. f. 425. (c) V. Reg. Sacerd. f. 73. (d) 4. Reg. c. 3. (e) Maimb. cit. c. 5. f. 62

riensis decidendas sibi sumpsit, non maiores tantum sunt, sed omnium maximæ, versantur enim inter prima Ecclesiæ & Republicæ capita, Pontifices videl: Reges, & Concilia universalia. Si enim quæstio verteretur, an Gallici Regni Status sint supra Regem, possintque istum judicare, punire, ac etiam Regnis exuere? an à Rego ad Comitia Regni appellari possit? an Sententiæ ac edicta Regia tanquam errori ac injustitiæ obnoxia recusari impunè possint, & ab illis tanquam' ab abusu ad futuros Reges, aut futura Comitia provocari? Si inquam hujusmodi quæstiones agitari Parisijs contigeret, quis non illas maximi momenti esse diceret, quippe ad Regni aut quietem, aut turbas pertinentes, & plurimorum bellarum ac seditionum faces? & qui hujusmodi quæstiones aut hactenus inauditas, aut saltem dudum soplitas excitaret, imò in privatis Conventibus jactari, palamque affigi vellet, quo rogo is alio nomine dignus esset, quam factiosi ac perduellis? at verò similes omnino in Conventu Parisiensi non propositæ tantum & auditæ, sed etiam decisa sunt, imò imperatæ, armataeque supplicijs, si non jussu, at rogatu, nutuque Patrum. Non dico, factiosos illic, aut perduelles sedisse; absit, me reverentiae obliisci, tot magnatibus, sacrisque Insulis debitæ; illic dico non poruisse tanti, imò maximi momenti causas ab eo Conventu agnoscí, multoque minùs decidi, quippe soli Pontifici referatas, etiam Gallorum, & Maimburgi judicio. Quo ergo jure tribunalia miscent, & sepem utriusque potestatis perrumpunt, sibique causas vendicant Pontifici tantum sepositas? & qui hæc faciunt, magnæ auctoritatis Maimburgo, invictæque videntur; at nullius mihi, quantæ videl: si de causis Regni Gallici Hispanus pronuntiaret, aut Anglus de jure margaritas piscandi in Sinu Persico. Tertio. Omni Jure, naturali videl: divino, humanoque statutum est, ut non priùs in aliquem sententia dicatur, quam vocatus is fuerit, auditusque, & copia data suas rationes deducendi. Jam verò Conventus Parisiensis Tiarae Pontificiæ duos, quos habuit, pretiosissimos uniones subduxit, supremum videl: in rebus fidei judicium, & potestatem Reges abdicandi, quoties necessitas tutandæ Religions exegerit: quæ duos si negent Galli ad Pontificem certò pertinere, negare saltem non possunt, dubium esse, an ad Pontifices pertineant.

neant; id enim saltem evincunt tot Patrum, tot Doctorum, Consiliorumque testimonia, & præsertim possessio tot exemplis à Romano Pontifice in Gallis exercita. Quo ergo jure potuit Conventus Parisiensis Romanum Pontificem tam egregijs prærogativis exuere, non auditum, non defensum, nec saltem litis admonitum? Cur possessione abdicatus tot annis obtentā? si vel unum ex opulentis illis Sacerdotijs Archi-Episcopo Parisiensi adimeres, quibus fruitur; nec is prius causam in senatu dixisset, quantæ rogo de injurya, violatisque legibus querelæ? & tamen quantum inter Pontificem & Archi-Episcopum, inter Sacerdotium, supremamque potestatem discriminis? Dices, sententiam & declarationem Conventus Parisiensis ad solam Galliam pertinere. Esto: at potestas Pontificia non Gallias minus, quam alias mundi partes complebitur, nec minus in ijs, quæ fidem, morēsque spectant, Gallia quam Italia Pontifici subjicitur, quod nec Galli ipsi negant; quo ergo jure, non auditum, non defensum Pontificem eo jure privant, quod in Gallijs habuit, posseditque tot annos, quoque privari nisi auditus non debuit? Demus enim, non habuisse, at saltem habere se credit, contenditque ingentibus rationibus nixus; non ergo condemnari debuit, nisi præsens, auditusque. Quod si dicant, nihil novi Parisiensis statuisse, sed tantum antiqua, & jam olim à Patribus statuta, declarâsse. Respondeo, hoc ipsum in dubium vocari, imò gravissimis rationibus ostendi, Patres & Concilia contrarium statuisse: non ergo tam grave, & controversum dubium decidi à Parisiensibus debuit, nec præsentibus, nec auditis partibus, quarum intererat; alioquin si is item lucratur, vincatque, qui stare pro se Jura & scripturas dicit, sequi nihil aliud expetere, quam olim Jure & scripturis decisa, & idem nec judice, nec sententiâ opus esse; quis tam reus, quem non continuo absolvas? nec enim tam malam causam quis habeat, qui non Canones, non Leges, & scripturas appelleret: imò ij maximè, qui suæ causæ minus confidunt, tympanorum more, fortius ex vacuo sonantium. Quarid. Certum est, non posse superiorem ab inferioribus judicari, multoque minus juribus, quæ habere se contendit, privari. Quis verò Conventum Parisiensem Pontifici & Concilijs præposuit, ut ab istis sancta ille refrigeret? ergo Conventus Parisiensis.

siensis Concilij Viennensi, Lateranensi, Lugdunensi ac Constantiensi major, ut quae hæc comprobârunt, ille damnaret? & doctrinam in ijs Concilijs non prolatam solum, sed etiam ac toties exercitam aboleri juberet, imò sediriosam, sacrificique scripturis adversam appellaret? huc ergo tendunt tot illa encomia, ac prærogativæ Conciliorum à Gallis invidiosè jaçtata, ut videlicet Pontifici quidem præferantur, Galliae tamen Episcopis subjaceant, ab istis, ut libuerit, obliteranda. Concilia Ecclesiam universalem repræsentent, Concilia errorum expertia, Concilia omni Pontifice superiora, Conventui tamen Parisiensi ad pedes jaceant, corrigenda, improbanda, imò & damnanda, utcunque aula placuerit, & Infulis ab aula pendentibus. Quod si Conventus Parisiensis ingenuè fateatur, ut planè fateri debet, se multò infra Concilium esse, & Pontificum decreta; quærimus, quā ergo auctoritate ausus fuerit sententiam proferre, imò imperare, ac minacibus decretis obtrudere, adeò Conciliorum doctrinæ, exemplisque adversam? Num ergo Archi-Episcopus Parisiensis pateretur, aliquem è Decanis suis Ruralibus collectis clericorum comitijs Archi-Episcopi decreta contrarijs evertere, & suas opiniones Archi-Episcopi præferre, imò imperare? atqui non minus Archi-Episcopus, Conventisque Parisiensis Pontifici & Concilijs subest, quam Decani Antistiti suo; non ergo contra Pontificum, Conciliorumque decretâ statuere quidquam poterant; & quæ statuerunt, nullius ponderis ac momenti sunt. Si enim corrigi, judicarique Pontifices & Concilia oportebat, ab alijs Pontificibus & Concilijs deuit, non à Conventu Parisiensi, cui nulla in majores potestas; alioquin quanta Hierarchiæ Ecclesiastice confusio, si liceat contra superiorum statuta non tantum docere, sed etiam imperare? Id quoque egregiè observavit Cardinalis Richelius (quo vix alias doctior, certè nemo Regi suo addictior, magisque de Regno Gallia meritus) in libro, (a) quem Episcopus scripsit, & necdum Romanâ Purpurâ insignis; sic enim cap. 8. gallicè scribit, quæ ego latinè reddam: *Ipsè Clerus Ecclesia aliqua particularis, qualis est Ecclesia Gallicana, non posset hanc questionem decidere,*

LIII

(a) Cardinal. de Richel. livr intitulé: *Le Principaux points de Foy de l'Eglise. ch. 8.*

dare, cum ad solam Ecclesiam pertineat fidei articulos definire; in modo cum in hâ re ius & causa vertatur omnium Regnorum statuimque Orbis Christiani, uni & particulari Regno, sine auctoritate assensuque aliorum Regnorum permisum non est de hac re sententiam ferre; in modo quod plus est, ex huiusmodi decisione (quod videlicet Pontifici Romano nullo casu liceat de Regnis disponere) necesse est certissimum schisma in Ecclesia consequi; cum videlicet articulus Fidei singularis, & pro una tantum Ecclesia Gallicana statuitur, non prota Ecclesia Catholica, unde schismatis & divisionis in rebus Fidei occasio dabitur. *Adde eam sententiam (quae videlicet Pontifici Romano potestatem indirectam admittit) bono & securitati Regnantium non solum iniuriam, verum etiam noxiā esse, ut ex ijs videre est, qua super hoc argumento magnus ille Perronius Cardinalis scripsit, seculi sui ornamentum, quique materiam hanc eloquentia & doctrinā, quam omnes in hoc Pūrpurato demurantur, prolixè discussit.* Vides hic à Richelio necdum Purpurato, Romæque oblitus, sententiam Perronij Cardinalis (qui Pontificis Romani potestatem indirectam tam ardenter eruditèque defenderat) approbari: quā igitur facie audet Maimburgus dicere, nunquam id Galliam sensisse? num igitur Perronius & Richelius Cardinales Galli non erant? num in sinu Sorbonicæ scholæ non enutriti? num doctrinā & charitate in Principem, supra omnes, qui unquam Galliam infederint, non eximij? num in nupero Conventu Parisiensi aliquis fuit, qui Perronio & Richelio, non dicam præponi, sed ne quidem æquari potuerit? num uni Perronio aut Richelio mille Maimburgi sufficient? Et iste sciverit, quod illi ignoraverint? negat Perronius, negat Richelius hanc esse Galliæ sententiam, affimat Maimburgus; utri majorfides? utri plus credas?

Nec obstat, pietatem & Religionem obtendi; id enim comunitate omnibus fallere volentibus, ut videlicet honesta prætexant, & quod de Panthera memorat Plinius, odore invitant perituros. Estq; præferendæ Religionis artificium tam verus, ut S. Leo olim illud observaverit in epistola (b) ad Theodosium Imperat. *Private causa pietatis aguntur obtenui, & cupiditatum quisque suarum Religionem habet velas pedissequam.* Patet ergo ex dictis, auctoritatem Conventus Parisiensis, quam inter præcipuas Maimburgus ponit, planè nullius pondere esse, nullamque habere vim probandi. *Sed nec minus inane illud,*

(a) S. Leo ep. 25. ad Thco ¶

illud, quod addit: Regem videlicet, utpote Sacrorum Canonum Protectorem, Conventus Parisiensis Declarationem recipi toto Regno iussisse, idque exemplo superiorum Regularium, suos Clientes unius Doctoris sententiae adstringentium concordia studio. Iussisse Regem, Declarationem Parisiensem toto Regno vulgari, recipique nemo inficiatur. At verò id fecisse tanquam Canonum Protectorem, unum est ex solemnibus Maimburgo paradoxis; persecutoris enim Canonum, non protectoris est, doctrinas Canonibus adversas munire, suámque illis auctoritatem præstare; néque Rex id suo, sed aliorum instinctu fecit, tegentium videlicet privatas vindictas alienā &c deceptā Majestate. Et verò in qua Religionē receptum vidit Maimburgus, doctrinas imperari Canonibus, Concilijs, Pontificibus, Sanctisque Patribus ac moribus adversas, qualis est illa, quam buccinantur Politici? Scio, multis in scholis receptum esse, ut à sententijs Augustini, Thomae, Scotique abscedere non licet; sed ut non licet à Declaratione Parisiensi, nec ratio, nec conscientia permittet: sp̄esque omnino est, ubi primi imperus deferuerint, cesserintque voces aulæ adulatum, Regem tandem, Galliamque æquitati cœlsum; & quod semper evenit, brevis ævi futuras fraudes, perpetuā veritate.

F I N I S
Primæ & secundæ Dislertationis.



LIII 2

INDEX